

# Malaysia usul sijil vaksin Covid-19 timbal balik

Oleh MAISARAH  
SHEIKH RAHIM  
maisarah.rahim@rnediamulia.com.rny

**PUTRAJAYA:** Malaysia mengusulkan pengiktirafan sijil vaksin Covid-19 timbal balik dalam kalangan Negara Anggota Kumpulan Lapan Negara Membangun (D-8) demi mempercepat pembukaan semula sektor-sektor yang terkesan teruk akibat wabak itu.

Usul berkenaan dibangkitkan Tan Sri Muhyiddin Yassin dalam Sidang Kemuncak D-8 Ke-10 yang dihoskan Bangladesh selaku Pengerusi Sidang Kemuncak D-8.

Kata Perdana Menteri, pandemik Covid-19 memberi kesan kepada seluruh kehidupan rakyat dan menggerak 'pengergera' khas kepada kerajaan berhubung masalah kemiskinan.

"Saya mengambil kesempatan ini untuk mendesak negara anggota D-8 bekerjasama menangani masalah ini secara kolektif.

"Fokus utama Malaysia berada di bawah strategi pembasmian kemiskinan adalah menjana pendapatan, pengembangan kemudahan pendidikan dan latihan, penjaan pekerjaan dan pemodenan kehidupan luar bandar serta pe-



**MUHYIDDIN** Yassin ketika mengambil bahagian dalam Sidang Kemuncak Kumpulan Lapan Negara Membangun (D-8) Ke-10 melalui sidang video yang dihoskan oleh Bangladesh selaku Pengerusi Sidang Kemuncak D-8 Ke-10 di Putrajaya. semalam.

ningkatan keadaan hidup.

"Malaysia akan berkongsi pengalaman dengan negara anggota D-8 untuk mempunyai pendekatan bersama dalam landskap global pasca Covid-19 ini," katanya ketika berucap pada sidang kemuncak itu secara maya bertemakan Perkongsian untuk Dunia Transformatif: Memanfaatkan Kekuatan Belia

dan Teknologi, semalam.

Dalam pada itu, Perdana Menteri berkata, potensi besar golongan belia dengan gabungan teknologi mampu mewujudkan peluang baharu sekali gus menyumbang ke arah pemulihan ekonomi.

Menurutnya, dengan populasi belia berjumlah 550 juta orang, negara anggota D-8 di-

yakini dapat menghidupkan semula ekonomi melalui memperkasakan belia dengan kemahiran digital dan keusahawanan digital.

Katanya, pandemik Covid-19 mendesak Malaysia menumpukan agenda digital apabila ratusan juta menggunakan platform itu untuk bekerja, belajar dan berhubung secara digital.